



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IGREYIDI 12

ISINDEBELE ILIMI LEKHAYA (HL)

IPHEPHA LOKUTHOMA (P1)

EXEMPLAR 2014

IMEMORANDAMU

IMITLOMELO: 70

Imemorandamu le inamakhasi ali-7.

ISIGABA A: UKUFUNDA NOKUZWISISA**UMBUZO 1**

- 1.1 1.1.1 Kungombana ukuba nomzimba omkhulu kubangelana amalwele ahlukahlukene/Kungezelela amathuba wokubanjwa malwele ahlukahlukene. (2)
- 1.1.2 -Kukudla khulu
-Kukudla ukudla okunamafutha amanengi.
-Kungazilolongi.
-Kukuthi nawuqeda ukudla bese uyalala.
-Kusebenza uhlezi.
(Zimbili kwezingehla) (2)
- 1.1.3 Kungombana nakathoma ukuluphala imisiphakhe ithoma ukugedla ingasaba namandla wokutjhisa amafutha. (2)
- 1.1.4 Budaleka ngokobana kumile ikghomu ekghamathela ngaphakathi komsipha bese ukukhamba kweengazi kuyaphazamiseka.
(Umfundi angayibeka ngeyakhe indlela). (2)
- 1.1.5 Umqondo omumethweko kukobana umntwana akahluki kangako ebabelethini bakhe/umntwana ufuza ababelethi bakhe. (2)
- 1.1.6 Kufanele bathome ngokuhlola ubujamo bomzimba womuntu maqangi ngaphambi kobana bamnikele imithi engaba nomthelela omumbi emzimbenakhe. (2)
- 1.1.7 Udorhodere kumele asihlathululele isiguli sakhe ngomthelela ongaletswa ziinhlahla emzimbeni waso. Asihlathululele bona singazisiza ngokobana singadli khulu isiguli nasithatha lomhlobo weenhlahla namkha akhuthaze bona sizame ukusikinya umzimba isiguli khulukhulu nasisathatha iinhlahlezi. (2)
- 1.1.8 B/ukuzilibazisa. (2)
- 1.1.9 -Ingabasiza ngombana amarhubhululo ayaveza bona ukuzilolonga kuyindlela yeemvelo yokwenza umzimbakho bona unganone begodu uhlale usebujameni ongibo.
-Angeze yabasiza ngombana kungenzeka bona ukunona kwabo lifuzo begodu kungaphakathi kwamahomoni wabo, okutjho bona umuntu nakaragela phambili nokukhula nokunona nakho kuragela phambili.
(Nanyana ngiyiphi ipendulo enikelwa mfundi ezwakalako ezakumukelwa) (2)

- 1.1.10 Iye, lilungele woke umuntu ngombana umuntu nakangakarholophali uyakghona ukukhambakhamba nofana agijime begodu lokho kutjhisa amafutha aseengazini abangela ukunona.
- Awa, alikalungeli woke umuntu ngombana abanye abantu sele banone kangangokuthi abasakghoni nokukhamba nofana ukusikima lapha bahlezi khona, ye-ke lelihlelo kibo angeze lasebenza.
(Nanyana ngiyiphi iendulo ezwakalako izokwamukelwa) (2)
- 1.2 1.2.1 Banonile/Banomzimba omkhulu. (1)
- 1.2.2 -Ukudla ulele/ulale
-Ukudla ubukele umabonakude
-Ukuhlala uhlezi
-Kukudla ukudla okuzele amafutha
(Ziimbili kezingehla) (2)
- 1.2.3 Bentwana/Babantu abatjha. (1)
- 1.2.4 Akusilo iqiniso ngombana iinthombezi ziveza abantu bemihlobo ehlukeneko. Lokhu kusitjengisa bona ubukhulu bomzimba abuyi ngokobana umuntu umhlobo bani. (2)
- 1.2.5 Ukudla ebekudliwa kade bekungaphekwa ngamafutha
Abantu bebakhamba amabanga amade ngeenyawo
Abomabonakude bebangekho, kanengi abesana bebalala ibholo kunokuhlalela umabonakude
(Nayana ngiyiphi ipendulo ezwakalako izokwamukelwa) (2)
- 1.2.6 Ukuba nomzimba akusikho ukuphela kwepilo nje-ke, ungakghona ukutjhugulula ubujamo bakho ngokobana uhlanganyele nabanye nibe siqhema esikhambakhambako begodu nenze nemisetjenzana ebudisi engakghona ukutjhisa amafutha. (2)

IMITLOMELO YESIGABA A: 30

ISIGABA B: UKURHUNYEZA**UMBUZO 2**

Amaphuzu abonobangela bokulisa phakathi kwabafundi emazikweni aphakamileko wezefundo.

IINDZUBHULO		AMAGAMAKHO/AMAPHUZU	
1.	Abafundi emazikweni la batlhoga igcugcuzeleko elifanele limile ngaphakathi kwabo bese lokho kubenza balahlekelwe likareko lokuya ngetlasini ngebanga lokuzilawula.	1.	Batlhoga igcugcuzeleko elifanele limile ngaphakathi kwabo bangasaya ematlasini.
2.	Lokho kwenza umfundi angenzi ama-asayinimente, imisebenzi yekhaya neminye imisetjenzana asuke aphiwe yona.	2.	Abenzi ama-asayimente, imisebenzi yemakhaya neminye nje baphiwa yona malekhtjhara.
3.	Abafundi abanengi abaphumeleli ngebanga lokungazithembi kanyenokuzithathela phasi.	3.	Ukungazithembi nokuzithathela phasi nabahlangana nabanye abafundi.
4.	Amalanga la abafundi abanengi bazinikela isikhathi esinengi sokucocisana ngeensetjenziswa zokuthintana ('social medias') sokunokobana bafunde iincwadi zabo.	4.	Ukucocisana khulu ngeensetjenziswa zokuthintana.
5.	Indlela abafundi laba bazinikele ngayo ekucocisaneni ngeensetjenziswa zokuthintanezi bagcina bangazinikeli isikhathi esaneleko sokulala.	5.	Batlhoga isikhathi esaneleko sokulala bese iingqondo zabo zidinwe nasele kufanele balalele nofana bafunde.
6.	Ubuvila nabo bungunobangela omkhulu wokobana umfundi agcine angakaphumeleli.	6.	Ukuvilaphela iincwadi zabo.
7.	Ukutlhoga ikghono lokubekezelela iintjhijilo umfundi angahlangabezana nazo kesinye isikhathi zimenza agcine abuyele ekhaya.	7.	Ukutlhoga ikghono lokubekezelela iintjhijilo abahlangabezana nazo.

(Nanyana ngiyiphi imitjho ELIKHOMBA kwengehla izakuthathwa ngaphandle kokuqala ukuhleleka nofana indlela etloleke ngayo.)

Umhlahlandlela wesigaba sesirhunyezo.

Abafundi batlhoga igcugcuzeleko elifanele limile ngaphakathi kwabo bangasaba nekareko lokuya ngematlasini. Okhunye kukobana basuka bangasenza imisebenzi abaphiwa yona malekhtjhara. Abanye babo abazithembi begodu bazithathela phasi lokha nabahlangana nabanye abafundi. Baqeda isikhathi esinengi bacocisana ngeensetjenziswa zokuthintana. Iingqondo zabo zihlala zidiniwe zingasakghona ukulalela ngebanga lokungalali ngokwaneleko. Bavalaphela nokufunda iincwadi zabo bese lokho kwehlisa izinga labo lokuphumelela. Okhunye kukobana batlhoga amakghono wokujamelana neentjhijilo abahlangabezana nazo emaphilweni wabo.

Inani lamagama asetjenzisiweko lima-64.**IMITLOMELO YESIGABA B: 10****YELELA: Isirhunyezo kumele sitshwaywe ngalendlela:**

- **Ukwabiwa kwemitlomo:**
 - 7 Imitlomo emaphuzwini ali-7 (Umtlomo owo-1 kilelo nalelophuzu eliqakathekileko)
 - 3 Imitlomo yelimi.
 - Inani loke: 10.
 - **Ukwabiwa kwemitlomo yelimi.**
 - 1–3 yamaphuzu alungileko: nikela umtlomo owo-1.
 - 4–5 yamaphuzu alungileko: nikela imitlomo emi-2.
 - 6–7 yamaphuzu alungileko: nikela imitlomo emi-3.
 - **Ukwabiwa kwemitlomo yelimi lokha umfundi nakadzubhule imitjho njengoba injalo ethekstini:**
 - 6–7 yeendzubhulo: **unganikeli** umtlomo welimi.
 - 1–5 yeendzubhulo: nikela umtlomo owo-1 welimi.
 - **Ukubalwa kwamagama:**
 - Abatshwayi kumele baqinisekise inani lamagama asetjenzisiweko.
 - Ungaphunguli imitlomo nangabe ohlolwako khenge atjengise inani lamagama alisebenzisileko namkha nangabe inani atlole bona ulisebenzisile akusingilo.
 - Nangabe ubude obulindelweko budlulile, funda bewufike emagameni ama-5 bese awusarageli phambili nesirhunyezwe.
- linrhunyezo ezifitjhani kodwana zinawo woke amaphuzu aqakathekileko akukameli zijeziswe.

YELELA: linrhunyezo zamagama azingasetjenziswa kodwana nazingafunyanwa esirhunyezweni, zifuze zibalwe njengegama ezilijameleko.

IMITLOMELO YESIGABA B: 10

ISIGABA C**UMBUZO 3****ISIKHANGISO**

- 3.1 Umhlobo wevunulo osesithombeni sesi-2 ngewokugeja/umbathwa bobaba/umbathwa bobaba esele bathethe nakunomnyanya omunye nomunye wesintu. (1)
-Umhlobo wevunulo osesithombeni sesi-3 umbathwa masokana amatjha nakahlabako/nakagodukako. (1)
- 3.2 Buyelani emarubhini.
Buyelani ngakwagogo.
(Yinye ipendulo kezingehla.) (1)
- 3.3 Linaka. (1)
- 3.4 Ibinzana lamagameli liletha umqondo wokobana ozokufika kokuthoma uzokuthola ithuba lokuzikhethela umhlobo wevunulo ayithandako. (2)
- 3.5 Mngqopho wokudosa abantu bona bakhambele umnyanya lo. (2)
- 3.6 Okutjihiwo sisaga nomngqopho wombandela kuthintana ngokuthi inengi nanyana lingeza emnyanyeni lo kodwana angeze lathumba, kuzakuthumba babili kwaphela abazokufika maqangi. (2)
- [10]**

UMBUZO 4**IKHATHUNI**

- 4.1 www.martybacella.com (1)
- 4.2 Umsana ophethe iphepha lo udanile ngombana ibizo lakhe akaliboni ephepheni labaphumelele umethrigi.
Umsana ongakaphathi iphepha nokhamisileko uthabile ngombana uthi ibizo lakhe liphumile ephepheni lemiphumela kamethrigi. (2)
- 4.3 Ngigedla amadolo. (1)
- 4.4 Asivezela umqondo othi uphumelele/uphasile eemfundweni zakhe zakamethrigi/igama lakhe livelile ephepheni labaphumeleleko. (2)
- 4.5 Baba-ke! Kazi abantu bazokuthini nababona bona ibizo lami alikaphumi ephepheni labaphumeleleko.
(Nanyana ngiwuphi umutjho umfundi azozakhela wona ozwakalako noqaliswe esehlakalweni esisekhathunini uzakwamukelwa.) (2)

4.6 **Iye**, kuyakholweka bona ibizo lakho lingaphuma ephepheni labaphumelele umethrigi kodwana uthi nawufumana isitatimende uzifumane uphasile.

Awa, akukholweki ngombana laba abagadangisa amabizo wabaphumeleleko umethrigi basuke bathole irhelo labaphumeleleko emNyangweni wezeFundo begodu lelo rhelo lisuke liqinisekisiwe.

(Nanyana ngiyiphi ipendulo ezwakalako izokwamukelwa.)

(2)

[10]

UMBUZO 5

5.1 Sisabizwana samambala.

(1)

5.2 Phrof.

(1)

5.3 Ye-Amerika.

(Yelela nikela umtlomelo MUNYE nakafake idwi/ ihayifeni kanye naMUNYE nakatlole u-A ngegabhahlhela)

(2)

5.4 UBathabile ngamphathaphatha esifubeni ngathola bonyana usaphefumula.
(Nanyana ngiwuphi umutjho ozwakalako ongatlolwa mfundi ikani kasebenzise igama phathaphatha ngokuhlukileko kunetheksthini)

(2)

5.5 UJabulani litjhapha qala bonyana ikoloyakhe sele injani, angeze watjho bona uyithenge umnyaka ophelileko.

(Nanyana ngiwuphi umutjho ozwakalako ongatlolwa mfundi uzakwamukeleka)

(2)

5.6 Qothiwe nanyana bangangihleka bathi angikaphumeleli umnyaka lo, kodwana engikwaziko ukobana ukukhamba kancani kufana nokugijima nami ngizakufika egreyidini le-12.

(2)

[10]

IMITLOMELO YESIGABA C:

30

INANI LOKE:

70